

Misericordia müda le monn. Le papa Jan Paul II á detlaré la Domènia Blanca sciöche Domènia dla Misericordia Divina, y por l'ann 2016 á papa Francësch detlaré n ann sant dla Misericordia. Por le papa é la misericordia la novité plü sterscia incundada da Gejú. Súa vita, súa mort y ressozeziun nes inviëia da diventé instësc massaries dla misericordia de Dî.

Invit al **peregrinaje dles Ères Catoliches dla diozeja sô Jeunn** en sabeda, ai 18 d'aurí. Por podëi to pert vál na coriera dala Val Badia ia Tluses. Informaziuns y prenotaziuns pro Angela cina ai 15 d'aurí: 338 24 30 045.

Ai jogn y jones da Lungiarü (Damian, Elisa, Daniela, Lukas, Giordan, Egon, Susan y Noah) y da San Martin (Mara, Giada, Giulia, ArminD., Natalie, Maria, Nicole, Samuel, Armin V., Janpaul, Giovanni, Medali, Elias, Daniel, Philipp, Max y Simon), **che va incò a confermé súa fede** dan da Idí y la comunité, ti audunse döt le bun. I periun che le Spirit Sant i implëscen cun so fuch y súa forza.

SAN MARTIN

En domènia, ai 19 d'aurí, tignunse do la gran mëssa la **prozesciun de San Germano**, perian do bun tēmp y do la benedisciun de Dî sura nosc laur.

La Uniun di ëi y dles ëres inviëia ala **festa di maridà iubilars en domènia, ai 26 d'aurí**, cun mëssa da festa y a stè n pü' adöm tl salf di stödafuch. Düc i përs che é 10, 15, 20, 25, 30, 35, 40, 45, 50, 55 agn maridà é dër bel invià. Chësc avis vel sciöche invit.

LUNGIARÜ

Incò do la Confermaziun é dōta la comunité inviada al **conzert dla Musiga cun n renfrësch** sön plaza dla scora; l'incas va ala dljia da Lungiarü (Un. Patrunes).

Le grup LOJO (Lobby Jogn) metü adöm da deplü istituziuns (Sorvisc ai Jogn, Raiun Sozial, Intendënza dles Scores, Cooperativa Soziala EOS, Sorvisc Dependënzes dl'Aziënda Sanitaria y Comuns)prò da se dé da fá por la jonëza. La jonëza y la sozieté s'adora un cun l'ater. Un di obietifs é ti pité sostëgn ai jogn da mëte pe tl monn dl laur. En lönesc ai 13 d'aurí dales 20.00 tl Raiun Sozial a Picolin **baiará Ingrid Dapra sura l'aprendistat cun dōtes les novités y Giorgio Costabiei sura i praticums che pó gní fac d'isté, le marcé dl laur** y les poscibilités de laur por i jogn dantadöt te nosta valada. Jogn, geniturs y interessá é dër bel invià da tó pert.

Curs da fá crafuns da segra, davert a düc, ai 22 d'aurí, dales 8.00 dadoman, da Maria Clara a Ties, Lungiarü. Prenotaz.: Loise 0474 590 026 (Un. Patrunes)

Teater a La Val cun le cor di jogn "la nücia dl malan" de Franz Kranewitter ai 17 y ai 18 d'aurí dales 20.30 y ai 12 y ai 19 d'aurí dales 17.00; prenotaziun: 338 96 39 893. Les chertes vëgn venüdes n'ora denant.

2ª DOMÈNIA DE PASCA – B

DOMÈNIA DLA MISERICORDIA - DOMÈNIA BLANCIA

Vangele: Jan 20,19-31

I atri discepu ti à dît a Tomesc: I ùn odü le Signur.

Al ti à respognü: Sc'i ne vëighi nia les ferides di agüs te sües mans y sc'i ne pò nia mëte mi dëit tl büsc di agüs y mia man te so costà, ne creii nia.

Otedé do ê sü discepu indô abinà adöm, y Tomesc ê laprò.

Dailò é gnü Gejú – les portes ê stlütës pro – é jü amesa ëi ite y à dît:

Pêsc a os! Spo ti àl dît a Tomesc:

Tëgn ca to dëit – chilò é mies mans!

Tëgn ca tûa man y mëtela te mi costà,

y ne stè a ester descredënt, mo credënt!

Tomesc ti à respognü: Mi Signur y mi Dî!

Gejú ti à dît:

Deache te m'as odü, creïeste.

Beâc é chi che ne vëiga nia y creï impò.



Creïe a val', che va sura la mort for, é dër ri. An po cighé dala ligrëza y impó dubité dassënn sciöche l'apostul Tomesc. Al creï y ne creï nia. Tomesc é le cristian de düc i cristians: I creii, dëideme te mia desfidënza! Chësc n'é nia val' de mal. Magari se fossun de aiüt un cun l'ater, sc'i se confidassun vigni tant un al ater, tan ri ch'al é da creïe. Tla fede ne mëssi nia odëi ite y capí döt, mo al basta ch'i le vires. Èl vir! Y iö viri, i m'astili y cunti inant sciöche ël viess, ince sc'i ne le vëighi nia y ne pó nia le pié ite.

Tomesc é n prelité che á albü la fortüna che le Ressorí s'á desmostré a d'ël. Chësta fortüna ne n'á la gran pert de nos nia. Ince sc'i stentun, co podunse pa impó dí: „Mi Signur y mi Dî!“? Madër le dí: „Mi Signur y mi Dî!“, y tres indô. Chël che ó vire y nia ma esistí, chël mëss creïe, creïe a val' deplü co ala mort. I viri, sciöch'i viess, cun dōta la forza dl amur, y defata m'intenarai che ël vir. Mia speranza, che é picera sciöche n granel de sënff, chersciará fora de mosöra.

	SAN MARTIN		LUNGIARÜ
12.04.15 – Domënia Blanca 2ª Domënia de Pasca Domënia dla Misericordia	9.00 Corona 9.30 Gran Mëssa dla Comunité	12.04.15 Domënia	9.00 Ingres cun i Cresimanc Gran Mëssa y CONFERMAZIUN <i>(minister siur Eugen Runggaldier)</i> dedô Conzert y sté adöm dan scora pro n renfrësch <i>les spënores che vëgn ite va a bëgn dla dlijia</i>
13.04.15 Lönesc <i>Martin I., Ida</i>		13.04.15 Lönesc	
14.04.15 Dedolönesc <i>Valerian, Hedwig, Lidvina</i>	19.30 Mëssa vis y ++ de Angela Castlunger, Roder + Doro Verginer por les Animes	14.04.15 Mertesc	
15.04.15 Dedemesaledema <i>Hunna, Waltmann</i>		15.04.15 Mercui	7.30 Mëssa en onù de San Cristofer + Clara Pedevilla + Vito Clara
16.04.15 Jöbia <i>Bernardeta, Benedët, Ujöp</i>	7.30 Mëssa + + Tone y Monica Tolpeit + + Tolpeit, Ju + por les animes Corona por vocaziuns	16.04.15 Jöbia	
17.04.15 Vëndres <i>Eberhard, Rudolf</i>	19.30 Adoraziun chîta	17.04.15 Vëndres	7.30 Mëssa + Monica y Isidoro Mischi + Sabina Daporta Dejaco + Albina Clara
18.04.15 Sabeda <i>San Ciascian y San Vigile</i> <i>Euseb, Anastasia, Sabina, Sciander</i>	15.30 Mëssa tla Ciasa de Palsa 18.30 Mëssa prefestia en onú di Agnui Custodi fam. Flöss, Stufles (de rengraz.) aniv. Robert Chiesa + Jan Mühlmann	18.04.15 Sabeda	20.00 Mëssa prefestia + Franz Pezzei, Ghestan + Ivo Sorá + Katharina Tatz
19.04.15 3ª Domënia de Pasca	9.00 Corona 9.30 Gran Mëssa dla Comunité dedô Prozesciun de San Germano	19.04.15 Domënia	7.55 Corona 8.15 Gran Mëssa dla Comunité